



ქალაქ ფოთის მუნიციპალიტეტის საკრებულო

განკარგულება №1/4

2021 წლის 28 იანვარი

ქალაქი ფოთი

ქალაქ ფოთის მუნიციპალიტეტის ქუჩა №39-ში მდებარე მოსწავლე-ახალგაზრდობის შემოქმედებითი ცენტრის შენობის ფასადზე საზოგადო მოღვაწის ფოთოლა ქაჯაიას მემორიალური დაფის განთავსების შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ინიციატივით, ქალაქ ფოთის მუნიციპალიტეტის მერმა (გ.კურდღლელია) მომართა საკრებულოს და ითხოვა ქალაქ ფოთის მუნიციპალიტეტის, დავით აღმაშენებლის ქუჩა №39-ში მდებარე მოსწავლე-ახალგაზრდობის შემოქმედებითი ცენტრის შენობის ფასადზე საზოგადო მოღვაწის, ღირსების ორდენის კავალერის, ფოთის საპატიო მოქალაქის ფოთოლა ლევანის ასულ ქაჯაიას მემორიალური დაფის განთავსება.

გამორჩეული საზოგადო მოღვაწის, ქვეყნისა და ერის წინაშე განსაკუთრებული ღვაწლის მქონე პიროვნების: ფოთოლა ლევანის ასულ ქაჯაიას სახელის ხსოვნისა და უკვდავყოფის მიზნით მიზანშეწონილია, ქალაქ ფოთის მუნიციპალიტეტის, დავით აღმაშენებლის ქუჩა №39-ში მდებარე მოსწავლე-ახალგაზრდობის შემოქმედებითი ცენტრის შენობის ფასადზე განთავსდეს მემორიალური დაფა.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 პუნქტის შესაბამისად, მუნიციპალიტეტი უფლებამოსილია საკუთარი ინიციატივით გადაწყვიტოს ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და აკრძალული არ არის კანონით.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის მე-3 პუნქტის შესაბამისად, თუ ეს კანონი ან საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ მუნიციპალიტეტის ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო ან მუნიციპალიტეტის საკრებულოს დავალებით – მუნიციპალიტეტის მერი.

აღნიშნულიდან გამომდინარე:

მუხლი 1.

1. გამორჩეული საზოგადო მოღვაწის, ღირსების ორდენის კავალერის, ფოთის საპატიო მოქალაქის, ქვეყნისა და ერის წინაშე განსაკუთრებული ღვაწლის მქონე პიროვნების: ფოთოლა ლევანის ასულ ქაჯაიას სახელის ხსოვნისა და უკვდავყოფის მიზნით ქალაქ ფოთის მუნიციპალიტეტის, დავით აღმაშენებლის ქუჩა №39-ში მდებარე მოსწავლე-ახალგაზრდობის შემოქმედებითი ცენტრის შენობის ფასადზე განთავსდეს მემორიალური დაფა.

2.აღნიშნული განკარგულების შესრულებასთან დაკავშირებით ქალაქ ფოთის მუნიციპალიტეტის მერმა (გ.კურდღელია) გაატაროს ღონისძიებები საქართველოს კანონმდებლობის შესაბამისად.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2021 წლის 28 იანვრიდან.

საკრებულოს თავმჯდომარე



ბექა ვაჭარაძე